



ル 5
3150
1





318

1



門 儿 5  
號 3150  
卷 1

黔南識略

凡例

一是書專紀風土以備服官者之採擇故於郡邑之建置疆域之遠近山之起伏水之分合其中田畝肥瘠財賦轉輸以及關隘驛傳之設稼穡樹藝之宜皆從其詳而於人物藝文及星野占候之說則概不登

一黔中爲苗疆重地自神禹誓師武丁撻伐而後各勞飲馬始靖飛鴉其山川扼險之區多歷代銘勳之所俱遵正史綴於某山某地之下庶與驛名

昭和十四年  
六月二十八日



黑 西 詳 冊 八 何  
籌筆懸紀獲嘉垂佳話於來茲亦翰軒所必採至  
若橋書庚戌渡號西林我

朝平定新疆尤千秋所僅有今因通志之舊分別輯

入

一是書不分門別類惟以府廳州縣分析爲志其  
形勢風俗大概則統爲省志一篇冠於篇首以挈  
其綱兼便於省覽焉

一凡志所未詳盡及事有鑒於古而可以驗諸今  
行於後者又有今昔異宜似應量爲變通者俱於  
各府志後論而列之以便搜采

一黔中水道前人多據水經注循源溯流強爲附  
合實未嘗親歷也茲則逐細考證但據其源流所  
在仍其今名而以古今各家之說附之於後如鎮  
陽江卽古無水是也然不可竟名爲無水轉致後  
人滋疑故依漢書體例載以今名



黔南識略目錄

卷一

貴州省

貴陽府

長寨同知

卷二

貴筑縣

龍里縣

貴定縣

修文縣



卷三

開州

定番州

大塘州判

羅斛州判

廣順州

卷四

安順府

郎岱同知

歸化通判

卷五

普定縣

鎮寧州

永寧州

卷六

清鎮縣

安平縣

卷七

平越直隸州

湄潭縣



甕安縣

餘慶縣

卷八

都勻府

卷九

八寨同知

丹江通判

都江通判

卷十

都勻縣

麻哈州

獨山州

三腳望州同

卷十一

清平縣

凱里縣丞

荔波縣

卷十二

鎮遠府

卷十三



台拱同知

清江通判

卷十四

鎮遠縣

施秉縣

卷十五

天柱縣

黃平州

卷十六

思南府

安化縣

婺川縣

印江縣

卷十七

石阡府

龍泉縣

卷十八

思州府

玉屏縣

青谿縣



卷十九

銅仁府

銅仁縣

卷二十

松桃直隸同知

卷二十一

黎平府

卷二十二

古州同知

下江通判

卷二十三

開泰縣

錦屏鄉縣丞

永從縣

卷二十四

大定府

水城通判

卷二十五

平遠州

黔西州



卷二十六

威甯州

畢節縣

卷二十七

興義府

興義縣

卷二十八

普安縣

安南縣

貞豐州

冊亨州同

卷二十九

普安直隸同知

卷三十

遵義府

遵義縣

卷三十一

桐梓縣

綏陽縣

卷三十二



正安州

仁懷縣

仁懷直隸同知

黔南識略原序

黔於元為湖廣四川雲南三行省地雖掌在職方羈縻勿絕而已明永樂間始置貴州布政司稍立府州縣與都司諸衛所相參錯分治其軍民而土司之屬以數十計終明世自為治至

乃悉郡縣之其被聲教之日視他省獨淺其地東偏楚西拒滇南限粵北遮蜀截長補短廣輪僅千有餘里其山川幽回而鬱塞雲霧霖潦以為常梯田磽确刀耕火種無藝澤之饒桑麻之利歲賦所入不敵吳中一大縣其民多南楚西江之流移一再傳後稟巒



壑之氣頗豁深而猥屑拙于治生有百金產遂號富人苗狎狎猥獷之族蠶屯蟻聚大抵多疑尙鬼嗜戰鬪重報復輕趨剽悍易動而難靜於西南諸蠻中爲患尤劇用是

朝廷

之擇守土恒重難其選而得之者顧以爲雞肋往往鄙夷其民而傳舍其官頽惰因循置一切于不問及醞毒旣厚一發不可遏乃草薙而禽獮之此黔之所以益不振也乾隆九年余自江蘇來藩是邦距古州用兵未十稔覽其凋瘵疲茶之狀慨然興嘆曰是甯不足以有爲乎夙興夜寐咨于寮案方欲有所整頓

無何遷去越三年復拜撫黔之

命私心喜慰益感以奮謂可展吾未竟之志而上報

天子

倚畀恩也夫爲治者必周知閭閻纖悉之故而後緩

急輕重施之無不當今府州縣長吏民牧官皆以知名問其所治一方之事有茫然不能對者矣矧自監司以上位愈尊與民愈遠所轄愈廣耳目愈不易周非訪之博而求之詳欲去所疾苦垂利長久而不拂乎人情其道何由爰條列十八事下所屬親民吏俾各覩縷以陳因以觀其人之賢否旣畢上屬貴陽參軍張鳳孫芟煩摘要稍加詮次名曰黔南識略自昔



黔南諸田原序  
郭青螺著黔記田山薑著黔書並稱一代文獻茲之所輯略古而詳今雖博雅不及前人然考其土宇之廣狹城郭之圯治關梁道路之險夷斥堠郵亭武備之修廢則思所以固疆圉察其民性之淳頑婚喪之奢約人文之盛衰盜賊獄訟異端之微熾則思所以善風俗相其田土之上下農功之勤惰五穀百產倉廩市集之盈虛賦稅之厚薄戶口之登耗則思所以厚民生辨其種夷之生熟則思所以布威信視其窮民無告之多寡則思所以廣慈惠由是長吏執此以課功羣有司精思職業持此以報績一洗向者頽惰

因循之治而共率

九重

明作之治浸致桀者馴窳者良地不加廣而日以富庶聲名文物之盛與中土埒斯則黔之厚幸而余所深有望于同志者歟

乾隆十四年仲夏既望撫黔使者愛必達書於都御史行署



黔南識略卷一

總敘

貴州巡撫長白愛必達撰

貴州省在京師西南七千四百六十里禹貢梁州南  
 裔荊州之西鄙也春秋屬楚為巫黔中地秦置黔中  
 郡漢置牂柯郡屬益州晉屬甯州隋置牂柯郡唐置  
 黔中都督府尋改為黔中道設採訪使治黔州乾甯  
 二年陷於蠻宋時牂盤諸州皆為羅甸于矢普里等  
 部元置順元路立總管府置貴州等處長官司於是  
 有貴州之名明初置貴州安撫司尋陞為宣慰使設



貴州都指揮使司  
政使司計明時  
三十年始設貴州等處承宣布  
衛二十州九縣十四

國朝因之省衛入縣者八改衛爲縣者十有六裁守禦  
所陞爲府者一又益以湖南廣西四川地及平定水  
西安坤并古州新疆六廳地東至湖南辰州界五百  
四十里西至雲南曲靖府界五百五十里南至廣西  
南丹州界三百二十里北至四川重慶府界四百五  
十里東南至廣西西隆州界三百五十里西北至雲  
南東川府界五百六十里東北至湖南辰州界五百  
二十里西南至雲南曲靖府界五百三十里廣袤千

餘里領府十二直隸同知三分防同知五分防通判  
六直隸州一州十三縣三十三東則思州銅仁踞湖  
南之腰膂西則大定興義扼雲南之咽喉南則都勻  
黎平處粵西之肘腋北則思南遵義爲四川之輔車  
疊隘重關居高據險樹屏垣於南服爲邊徼之要區  
設雲貴總督一員駐雲南巡撫一員左營參將一員  
右營遊擊一員守備二員千總四員把總八員撫標  
兵六百四十六名學政一員布政司一員首領官經  
歷一員庫大使一員按察司一員首領官照磨一員  
司獄一員糧儲道一員與貴陽府貴筑縣皆同城貴



西巡道一員駐威甯貴東巡道一員駐古州提督一員駐安順總兵官四員一駐威甯一駐鎮遠一駐古州一駐興義協副將十員及所屬官兵俱詳志於所駐府廳州縣內至學政歲科應取學額布政司應徵地丁稅課耗羨戶口田畝分數按察司兼管二十四驛及糧儲道應提秋糧餘米變價撥歸不敷兵糧銀數貴西道額採白黑鉛斤貴東道所轄屯軍名數均於所屬各志內分晰具載其境內諸山則自雲南宣威州儻塘驛入黔之威甯經水城至安順又自安順之土州至定番分爲二其南幹則由都勻八寨至古

州黎平以入楚粵其北幹則由安順之清鎮安平至貴筑老鴉關折而入凝爲省治平越石阡思南諸山又分脈於遵義而爲省之北障也水曰烏江曰盤江曰都江曰清江曰鎮陽江曰銅仁江曰濛江爲貴州之巨川烏江源於威甯至思南而入蜀盤江亦源於威甯至興義而入粵都江清江俱出都勻而一則經古州以入粵一則經天柱以入楚鎮陽則源出黃平以入於沅銅仁則流滙於楚以達麻陽濛江則自定番至泗城以入粵餘如思南之費水仁懷之赤水則又各流滙於巴蜀以達於大江者也介楚之區其民



黑商誌田卷一  
三  
夸介蜀之區其民果介滇之區其民魯介粵之區其民蒙大率皆質野而少文纖嗇而重利貴陽所屬則勤於耕讀安順所屬則兼多負販平越都勻銅仁事雖簡而地要鎮遠思南仁懷商以通而力裕思州石阡習於儉者也大定興義治用嚴者也黎平之民富於木遵義之民富於絲普安地寬而人雜則編查宜勤於內松桃地小而苗多則防禦宜周於外此形勢風俗之大較也苗之種類有百上游則猺夷爲多下游則狆苗青苗爲多平定之初在鋤其暴嚮化以後在厚其生其耕種土地頗爲漢奸股削雖目前尙

無虞治必防之以漸我

皇上智燭無疆計周萬禩道光六年巡撫嵩溥欽奉

諭旨飭禁漢奸私入苗寨句引滋擾當經委員逐細編查各屬買當苗人田土客民共三萬一千四百三十七戶佃種苗人田土客民共一萬三千一百九十戶貿易手藝傭工客民共二萬四百四十四戶住居城市鄉場及隔屬買當苗人田土客民一千九百七十三戶並住居城市鄉場買當苗民全莊田土客民及佃戶共四千四百五十五戶奏請自此次編查之後如再有句引流民擅入苗寨續增戶口買當田土者將



流民遞籍並將旬引之客民立時驅逐出境田產給還苗人追價入官仍照違

制律治罪儻敢復犯盤剝準折等弊卽照各本律例從重治罪俱蒙

俞允通飭奉行數年以來苗民各安其業無敢虞詐莫不激發天良以仰副

皇上一視同仁籌畫兩全之至意所有苗人土俗已各詳於所屬志中茲則從其略云

論曰賈誼有言天下之情與器無以異在天子所以置之黔於前明時螳臂蜂蠆時形竊發置之益未善

也安宋二宣慰司統領諸苗伏在肘腋不卽加誅迺任其設治會城日與巡撫以下商預朝政彼有舉動官無從而察之官有舉動彼得而伺之也所以置之者抑何謬耶朱燮元旣誅邦彥仍以大方烏撒水西比喇畀其餘孽謬益甚矣我

世祖章皇帝整壹函夏耆定方隅鞭筆所指木拔道通

聖祖仁皇帝因安坤之蠢動犁其巢穴設官而郡縣之然後千四百餘年之羅甸始克出闇昧而觀照臨也

世宗憲皇帝不忍古州八萬諸生苗獨擯化外俯徇督臣鄂爾泰所請撫剿兼施自雍正六年至乾隆元年兩次



用師經營完善而後亘古未通聲教之區始共識歸仁之路矣

高宗純皇帝特加軫卹永免新疆苗人祖賦垂諸令甲既懲艾其兇頑復蘇息其良善益示以傾者在所必覆而栽者在所必培也我

仁宗睿皇帝先後戡定興義銅仁苗匪旬月之間立時翦撲皇上御極之六年卽諭地方撫臣飭禁漢奸私入苗寨蓋

列聖之所以經畫苗疆者如是之周詳今皇上之所以綏靖邊郵者又如是之整飭也官於斯者觀

山川之險要則當思締造之所以艱覩戶口之殷繁則當思撫馭之所以善覩財賦之出入則當思轉運之所以勞覩苗夷之順軌則當思

國家之所以規制於已然與其所以綢繆於未然者庶幾乎無忝所司哉

貴陽府

貴陽府爲省會首都禹貢梁州荒裔漢爲牂柯郡地隋開皇初置牂州大業初改爲牂柯郡唐初復置牂州隸黔州都督府尋廢五代時爲八番附馬殷宋開寶八年置大萬谷落總管府元至順元年置順元路



黑南諸州卷一  
軍民安撫司并立亦奚不薛總管府俱統於順元等處軍民宣慰司明洪武四年置貴州安撫司六年陞爲宣慰使司隸四川行省永樂十一年改隸貴州布政司成化十二年分貴州宣慰司地置程番府治程番長官司隆慶二年移府治與布政司同城三年改爲貴陽府萬曆二十九年改曰軍民府

國朝因之康熙二十六年裁各府軍民字復曰貴陽府領廳一州三縣四受轄於糧儲道設知府一教授一訓導一經歷一巡檢一駐札佐其境東至都勻府麻哈州界一百二十里西至安順府清鎮縣界三十里

南至興義府貞豐州界二百二十里北至遵義府遵義縣界一百五十里東南至麻哈州界一百二十里東北至遵義縣界二百一十里西南至貞豐州界一百二十里西北至清鎮縣界六十里廣一百五十里袤三百七十里由府治七千六百四十里達於京師貴筑縣附郭南一百里爲定番州西南一百一十里爲廣順州東一百二十里爲開州東五十里爲龍里縣東一百一十里爲貴定縣北五十里爲修文縣西南一百七十里爲長寨同知所轄郡治據荆楚之上游爲滇南之門戶蓋控臨之要區邊徼腹地



也城爲明洪武十五年建周圍九里七分高二丈二尺甃以石門五東曰昭文南曰迎恩西南曰廣濟西曰振武北曰布德水關二天啟六年於北門外增築土城周四里五分高一丈五尺設威清六廣紅邊小東四門水關二

國朝乾隆八年重建石城黔省除遵義一府此外各府皆有親轄地方蓋地處荒服苗蠻雜居開設之初臨以知府所以樹恩威資彈壓其制與它省異也貴陽城內外皆係貴筑縣管轄所屬之地自五里至二百餘里俱與縣地星羅碁布貴州之名因於貴山其山

在城北二里入蜀之道也一名貴人峰銅鼓山在城東二里高百餘仞每陰雨山腹有聲如銅鼓其相連者曰東山一峰巍然與城樓對峙棲霞山在城東五里山半有來仙洞相寶山在城東北一里俗名照壁山獅子山有三俱在城西二里以形受名明顛川侯傅友德嘗駐兵於此又城西一里有五虎山城南五里有飛鳳山諺所謂五虎三獅一鳳凰者也黔靈山在城西北三里眾山環抱一徑斜穿叢林古剎爲游覽之勝康熙時石阡郡守陳奕禧鐫黔靈勝境於絕壁嗣後貴西道伊湯安構亭其上題曰亦雲棲扶風



山本名螺螄山在城東乾隆五十九年改今名梵宇  
清幽頗稱名勝高連山在城南二里石穴有泉石門  
山在城東六十里兩石對峙如門路經其中故名樂  
史太平寰宇記牂州建安縣有高連山石門山豈卽  
此耶木閣箐山在城西北四十里延袤百餘里橫亘  
修文縣境林木蒼鬱中有道通黔西上有潭杳深不  
測又石人山在城北三十里山頂羣石拱立如人雲  
錦山在城北二十里舊爲宣慰宋氏別業臥牛山在  
城南二十五里山南有長豐堰溉田甚廣簸箕山在  
城南五十里旁有青巖巖臨河達定番梯嶺在城南

三里石級如梯中曹司路經其上雪厓洞在城西南  
南明河上乾隆初布政使陳惠榮建來仙洞在其巔  
朝陽洞在城南三里雲巖洞在城西北三里舊名唐  
山洞甚幽邃白龍洞在城西北十五里中有潭水魯  
納洞在城西北百里三洞并列可容千人土人避兵  
於此瀉玉洞在城北四十里奇石林立瀑布飛流水  
落洞在城北百里爲眾水所歸船石在城東二里牛  
渡河邊長數丈石譜在城南百里羣石萬狀不可殫  
述下有清泉犀牛石在城西一里貫城河源出城東  
北五里之壑籠山由北門外水關入城至六洞橋水



關流滙南明河亦名玉帶河康熙中總督甘文焜巡撫佟鳳彩因居民屢火濬之以禦民災後巡撫陳誥復加開鑿日久淤塞夏秋漲溢爲患道光六年巡撫嵩溥檄郡守于克襄濬治易名太平河損貲歲修濬河時於北門橋西掘出一井味甘冽詢之士人云舊名三元井今重甃之圍以石欄南明河在城南門外源出廣順州東北阿沙壩過中曹司至府城西南下流爲牛渡河至巴香北流合烏江龍洞河在城南十里下流入於南明河四方河源出廣順州滙於南明河濟番河在城西南三十里俗名花犴猪河八番路

所經明成化初宣慰使宋昂壘石爲橋下流入南明河富水在城南源出八里屯之龍井入南明河澤溪在城北源出庫樓山流合貫城河亦名宅溪明史李樵傳賊退保澤溪王三善破賊澤溪卽此又有黔靈山諸泉水黃泥哨水俱注於南明河靈泉在城內大興寺泉極澄澈舊傳月出沒時雖偏在東西泉中皆見影漏鈞泉在黔靈山後其泉晝夜盈縮以百爲度名曰聖泉亦名百盈明鎮遠侯顧成甃石爲池立一石於泉中以驗消長九十九泉在城西二十里高寨泉出山頂凡九十九穴神應泉在城北二十里擊石



則泉出因名神應溫泉在城北九十里楊郎壩初出熱甚可熟生物稍遠方可浴珠泉在城西三十里龍井在城內水出石隙味甚清冽安賊圍城井忽涸有人探入見一穴深窅莫可窮極海螺井在城南百里白納司地形如螺甲每日三潮若吞吐然養龍坑在城北二百里養龍司舊傳兩山中有深池龍藏其下春日牧牝馬其上間產龍駒新添關在城東南二里圖雲關在城南二里蔡家關在城西北五里亦謂之禦水關老鴉關在城西北五里四川驛道經此鳳凰關在城北十里又西北有闊水關明洪武二十九年

都督顧成破闊水克宗那革賈母龍等洞寨是其處也青巖堡在城南七十里四達之塗明天啟初安邦彥使李阿二圍青巖斷定番餉道巡撫王三善遣王建中劉志敏救青巖燔賊四十八莊定番路乃通霽虹橋在城外南明河上明永樂二年鎮遠侯顧成建又有浮玉橋所謂鰲磯浮玉也其下為涵碧潭芳杜洲左岸有寺為城南之名■明萬歷十五年巡撫江東之架石築堤建甲秀樓於其上樓前立鐵柱二一為雍正十年總督鄂爾泰開古州新疆時建一為嘉慶二年總督勒保平興義苗時建社稷壇在城西一



里風雲雷雨山川壇在城東一里先農壇在城東厲  
壇在城外西北隅文廟府學在城北縣學在城東名  
宦祠鄉賢祠在廟左右賢良祠在城南門外文昌廟  
關帝廟俱在城中城隍廟在城西北隅忠義孝弟祠  
在縣學左節孝祠在南門外以上壇廟各府州縣俱  
有福黔潤澤龍神廟在城內龍井旁武侯廟在城南  
門外康熙中巡撫田雯題額曰丞相祠堂忠烈廟在  
城內祀唐南霽雲苗人稱之曰黑神外郡遍有諸苗  
最敬憚之其遇有曖昧未決事稱將質諸黑神則無  
不吐實者田雯黔書載南霽雲之得祀於貴陽也以

其子承嗣爲清江太守又明王憲疏稱神曾顯靈入  
番陰爲禦災捍患乞頒祀典此尸祝之由來也王文  
成祠在撫署東祀明新建伯王守仁甘忠果祠在城  
南五里祀雲貴總督甘文焜王忠毅祠在城南祀定  
海將軍四川提督王之鼎鄂公祠在武侯廟旁祀大  
學士諡文端鄂爾泰宋阿重墓在城北以平宋隆濟  
功諡忠宣明鎮遠侯贈夏國公諡武毅顧成墓在城  
南門外郡地北近蜀南近粵四時多雨少晴雨則寒  
晴則暖夏則晝熱夜涼無嚴寒酷暑邇來氣候較正  
比於中土田分上中下三則源水浸溢終年不竭者



謂之濫田濱河之區編竹爲輪用以厚水者謂之水車田平原築堤可資蓄洩者謂之堰田地居窪下溪澗可以引灌者謂之冷水田積水成池旱則開放者謂之塘田山泉泌湧井汲以資溉者謂之井田山高水乏專恃雨澤者謂之乾田又稱望天田坡陀層遞者謂之梯子田斜長詰曲者謂之腰帶田大約上田宜晚稻中田宜早稻下田宜旱粘山坡磽确之地宜包穀燕麥黃豆而紅稗水稗春菽秋菽皆次之亦有種小米紅麥綠豆芝麻者農工始三月至八九月而畢田土歷未丈量民間不知畝數但計布種多寡斗

種之地寬約一二畝豐年上田可收米五石中田四石下田三石至二石不等中曹白納巴香水邊之田旱澇無患麥西蔡家關青巖養龍之田則地高而土瘠成熟田一萬一千五百四十七畝有奇歲徵秋糧米一千二百五十一石四斗一升每石加耗一斗五升地丁銀歲徵四百八十二兩二錢每兩加耗一錢五分常平倉舊額貯米二萬三千九百二十四石一斗貯穀一萬六千五百七十九石五斗現存穀五萬七千二百五十九石五斗道光二年經守令於城內南雪厓洞迎恩寺及城西北之班竹園花狝猪建設



義倉四所貯穀三千石有奇會城五方雜處江右楚南之人爲多世家巨族率敦名節士習彬彬人戶櫛比鱗次承平日久漸習繁華通計府屬漢苗錯處之莊一百七十有奇苗寨一百一十有奇學額文生歲科試皆二十名武生歲試二十名貴山書院在巡撫署東明正德間席書以按察司副使提學貴州時王守仁謫龍場驛丞書乃敦請入文明書院主講黔士始知有反身之學後人卽祀守仁於其中號陽明書院歷經增修今爲貴山書院嘉慶五年復設書院二處一在城南曰正習一在外城內曰正本同時設義

學二處曰蒙養曰敏來二十三年又增設一處曰近悅道光七年又增設二處曰化成曰精勤貢院居城之中向有號舍三千間道光七年巡撫嵩溥增修號舍一千三百餘十間將布政使署北偏東箭道地拓建棘牆圍入貢院札佐司在城北八十里巡檢分駐卽元落邦札佐司長官司地府共轄六土司前明俱屬宣慰司今屬府皆以長官司世其職中曹長官司卽元中曹白納長官司在府東南洪武三年以謝石寶歸附授正司劉禮賓副之現承襲有印養龍坑長官司在府北卽元養龍坑宿徵等處長官司授征蠻



將軍洪武五年蔡普化襲職現承襲有印白納長官  
司在府東南卽元茶山白納等處長官司洪武五年  
併入中曹司永樂四年復置以歸附土酋周可敬爲  
長官趙仲祖副之今承襲無印虎墜長官司在府東  
南明洪武三年宋瑠以收授今承襲無印又有青巖  
土弁凡土官出入乘馬無儀從養贍惟藉先世田產  
有事檄調無事不敢入城見守令俱行屬員禮貴陽  
城守營遊擊一員守備一員千總二員把總四員額  
設兵百十名塘汛十曰養龍桐木青巖騎龍  
高坡馬水雞場撻鐵關板橋巴香會城食米全賴定

番廣順若定番之米數日不至價則陡昂市價以斗  
米三錢爲最貴一錢六七分爲中平一錢一二分爲  
最賤每市斗準倉斗一斗五升鄉民多食雜糧蓄米  
爲納賦婚嫁之需婚姻皆簡易無浮費鄰戚廬至宰  
豕傾釀以爲宴宴畢卽請鄰戚爲挽輿幼歸夫家者  
曰童養媳女必長於男子四五歲取其能操作任井  
曰也貧家壘土爲垣覆以茅富者編竹爲垣塗以土  
覆以瓦出入戴斗笠挾家之所有者易於市各鄉集  
場八處曰雞曰牛曰馬曰鼠曰養龍曰巴香曰水田  
壩曰谷定壩六日一集周而復始黔人謂市爲場多



以十二支所屬名其貿易之所如子曰爲鼠場丑日爲牛場是也地產白楊楓香梨桐諸木山多橡樹經有司勸諭近亦有放蠶取絲者物產不具列其專產者載之蟬鳴稻俗呼爲早市香粒圓性芳熟先他稻雞縱有紫白二種白者不可食初秋生蔓草中始奮如笠旣如蓋漸則紛披如雞羽故曰雞以其從土中出故曰縱蒸食甚美然不能多得羊肚菌美彷彿雞縱該桃殼薄肉肥異於他省桃李遶城最盛紫李尤佳俗呼麥熟李刺梨野生榦如蒺藜花如茶藤實如小石榴有刺味酸取其汁入密熬之可爲膏更有重胎

者花甚豔名爲送春歸黔屬俱有越境卽無薇蕨生地中白者爲薇紫者爲蕨根濾爲粉可救荒海椒俗名辣子土人用以佐食降真香出深箐中古藤所結歷久乃香天麻俗名土蘿蔔苗名定風草羊桃藤卽詩之萇楚白花子如小麥取汁可膠巨石桃竹出烏江等處可作杖董竹出養龍諸寨最有力俗名筋竹稅口有南北關及黃沙烏江茶山六廣諸處額徵銀五千五百一十七兩九錢有奇稅羨銀二千八百六十兩錢局在城西南隅所需銅斤歲委州縣一員赴滇採買鉛斤由貴西道撥運以供鼓鑄歸藩司搭放



兵餉及養廉苗類屬府轄者有宋家蔡家花苗白苗青苗狝家各種宋家住麥西水田壩蔡家住養龍花苗住巴香白苗住高坡青苗住蔡家關狝家散處四鄉皆以服色爲別宋家春秋時宋人之裔爲楚所俘放之南徼遂流爲夷宋宣慰祖也男子冠而長矜婦人笄而短襟婚之夕婿家往迎女家率親屬筆之謂奪親旦進盥於姑子婦燂湯以沐三日而罷喪則疏水二十一日不封樹而葬蔡家卽蔡人亦爲楚所俘者男子善擗氊以氊爲衣婦人以氊爲髻束以青布高尺許狀似牛角用長簪貫之翁媳不通問居喪三

月不食米肉夫死俗當從殉婦家奪去乃免宋家蔡家並通漢語知文字勤耕織守禮法今盡變而爲華不復可別識矣花苗衣無衿竅而納諸首男以青布裏頭婦人青衣短裙斂馬鬃尾雜髮爲髮大如斗籠以木梳裳服先用蠟繪花於布而染之旣染去蠟而花現衣袖領緣皆用五色絨線刺錦爲飾裙亦刺花故曰花苗男子力耕婦人以織麻爲事病不服藥小疾則磔雞病劇則宰牲屠牛病愈乃止孟春合男女於野謂之跳月擇平壤爲月場以冬青樹一本植於地上綴以野花名曰花樹男女皆豔服吹蘆笙踏歌



跳舞繞樹三匝名曰跳花跳畢女視所歡或巾或帶  
與之相易謂之換帶然後通媒妁議聘貲以妍媸爲  
盈縮女嫁數日卽回母家生子然後歸曰坐家有喪  
先以死者衣向屋西北角呼之曰復葬下地以雞子  
擲之不破者爲吉白苗衣尙白短僅及膝男子科頭  
跣足盤髻長簪祀祖擇大牯牛頭角端正者飼之及  
苗壯卽合各寨牛共鬪於野勝卽爲吉卜日殺之以  
祭青苗男子依山箐而居又名箐苗服飾皆尙青冠  
竹笠躡草履佩刀婦人帶青布一幅製如九華巾婚  
姻與花苗同男子未婚剪腦後髮娶則蓄之狎家五

代時馬殷自邕管遷來其種有三一曰補龍一曰卡  
尤一曰青狎貴陽安順興義都勻平越皆有之貴陽  
則青狎也善治田好以青帕纏頭及腰婦人長裙細  
摺多至二十餘幅性好樓居婦女尤善織名曰狎家  
布聚馬牛雞犬骨以米糝和之作醢以酸臭爲佳稱  
富積者曰蓄醢幾世婚姻與花苗青苗相類聘用牛  
葬以雨繖遮墓上期年而焚之祭用枯魚歲時擊銅  
鼓爲懽大率狎家勤耕織間有富者畜蠱負弩之風  
今不復有男子俱漢裝近更有讀書應試者凡苗性  
皆愚憨而青狎尤狡悍於今久被聲教漸習華風有



呼為苗者必動色返唇以為詬厲得非爭自濯磨以待上之教化哉

論曰禹貢紀揚州之域厥田下下厥賦下上上錯其地距冀州荒服外也今則財賦雄天下文物聲明冠冕海內非蘊蓄者厚其揚詡者大歟黔於唐宋間析郡分州授其土人遙為羈縻其時猶屯蒙也至元明稍稍式廓而安撫宣慰諸司仍以酋長加以名號擁地負隅互相雄角小則遣官勘訊大則命將出征播州水西猝未能擒服也故其時受之以訟受之以師皇朝義正仁育百度維貞日所出入率土來臣震讟以威

柔懷以德古州八萬暨台拱清江丹江上下江諸新疆皆唐虞以來從未知正朔者莫不息喙帖耳革面洗心遵長吏約束喁喁然惟恐後貴陽一府所領諸州縣民俗尤淳鄉試登賢書者幾十餘人少亦七八人弦誦之聲遍於境內苗人力役輸將豔慕科第深諱其舊俗以為恥農而食之虞而出之工而成之商而通之駸駸乎稱樂土矣易說卦傳曰履然後安故受之以泰其黔今日之謂歟夫山川之運以有待而後開苗蠻之性惟至誠為能化此蓋伏遇

聖人之教不肅而成是以極諸蠻貊所通從風而服也有



黑南諸田卷一  
拊循之責者其將何以仰荅

昇平哉

長寨同知

長寨同知在府治西南一百七十里本廣順州地方  
國朝雍正四年總督鄂爾泰討長寨狃苗平之設長寨  
營遂分其地移貴陽府同知駐焉其境東至廣順州  
革猛界三十里西至安順府歸化通判翁青寨界五  
十里南至定番州大華司界七十里北至廣順州宗  
角界三十里東南至廣順州威遠汛界三十里西南  
至歸化通判壩陽界七十里東北至廣順州擺塘界

三十里西北至廣順州擺所界三十里廣七十里袤  
一百里城周二里三分凡三百八十丈高一丈設東  
西北三門乾隆十二年建東有羊城撻壤南有羊角  
谷隆西有者貢狗場北有焦山同筍皆廳之險要與  
百連盤龍諸山絡繹相接者也西南三十里有小河  
源出定番州流經廳屬之擺儀羊雍二寨入廣順界  
田畝宜晚稻高粱粟米紅稗不宜早稻菽有春秋二  
種現在成熟田八千九百五畝有奇熟苗所耕之長  
寨者貢谷隆等處田土肥沃兼有水源無憂旱澇生  
苗所居之茅草冗曉等處山高泉少喜雨忌晴不徵



黑南諸田卷一  
秋米額徵正銀五百二十六兩一錢二分九釐有奇  
常平實貯穀一萬五千八百四十四石有奇歲需兵  
糧由鎮甯州撥濟二千一百五十三石三斗二升本  
地產米無多不敷民食苗戶多借雜糧糊口新闢之  
區苗多漢少風俗樸陋力穡之外別無生業乾隆五  
年始設義學訓化民苗城中駐劄長寨營參將一員  
守備一員存城把總一員兵五百 十 名分防羊  
城汛兵二十名撻壤汛兵十四名羊角汛把總一員  
兵三十二名谷隆汛兵十五名者貢汛兵十四名狗  
場汛外委一員兵二十四名同筍汛把總一員兵二

十七名焦山汛外委一員兵二十名城鄉集場四處  
以丑未巳亥辰戌子午爲期樹多楓香木有桐茶開  
闢以來曠地尙多境內無銅鉛礦廠亦無稅課苗有  
神家青苗二種各分生熟熟苗通漢語生苗則否男  
子皆椎結婦人短衣長裙刺花繡於其上惟畏疾病  
一人有病則舉寨移山洞避之通屬漢民二千三百  
二十九戶熟苗一百一十六寨生苗二百七十六寨  
大者二十餘戶小者三四戶萬山叢繞苗穴深邃設  
有九汛六塘無驛遞渡口東北通廣順有兩徑西達  
歸化南達定番惟一徑餘與首縣同



黔南識略卷一終







